

KOSOVO



**KOMITETI OLIMPIK I KOSOVËS  
KOSOVA OLYMPIC COMMITTEE**

Prishtinë, 18.06.2024

*Komiteti Olimpik i Kosovës “KOK” ka statusin e personit juridik, është e regjistruar si organizatë joqeveritare pranë MAP si dhe i takon Lëvizjes Olimpikë duke u angazhuar që të respektojë dispozitat e Kartës Olimpikë me qëllim të promovimit të Lëvizjes Olimpikë, etikës në sport, qeverisjes së mirë si dhe zhvillimit të sportit në përgjithësi. Për arritjen e këtyre synimeve në kuadër të KOK funksionon Akademia Olimpikë e Kosovës “AOK”.*

*Akademia Olimpik e Kosovës si departament në kuadër të KOK mision ka promovimin e vlerave Olimpikë dhe shpirtin Olimpik si dhe t’i ofrojë standardet më të larta arsimore dhe mundësitë profesionale për komunitetin e sportit në Kosovë duke edukuar breza të profesionistëve në fushën e sportit.*

*Akademia Olimpikë e Kosovës do të ofron studime të rregullta në programin e studimit të nivelit të pestë sipas Kornizës Kombëtare të Kualifikimeve, themeluar në bazë të ligjit Nr. 03/L-060, datë 07.11.2008 “Për Kualifikimet Kombëtare”.*

*Në kuadër të planit të operimit të AOK është paraparë programi “Trajneri Sportiv”, i cili është profesion në kuadër të profesioneve të klasifikuara në librin e klasifikimeve të profesioneve në Kosovë. “Trajneri Sportiv” kryen funksione të ndryshme që kanë të bëjnë me trajnim dhe edukim në fushën e sportit. Programi ofron edukimin dhe përgatitjen profesionale të trajnerëve në fushën e sporteve, në drejtimin e menaxhimit individual dhe grupor në një disiplinë sportive.*

Bazuar në informatat më lartë rreth KOK, AOK si dhe rreth programit “Trajneri Sportiv”, KOK shpall këtë:

**Thirrje publike për aplikim të ë kandidatëve nga organizatat sportive për pjesëmarrje në programin e edukimit 1 vjeçar të AOK “Trajneri Sportiv”**

Komiteti Olimpik i Kosovës bën thirrje publike për aplikim të kandidatëve/trajnerëve në mënyrë individuale apo përmes organizatës së vet sportive që të aplikojnë për pjesëmarrjen në programin “Trajner Sportiv” të KOK, e ku pas përfundimit të programit në fjalë do të marrin Çertifikatë Kombëtare Profesionale (60 ECVET kredi.). Kandidatët të cilët aplikojnë, duhet t’i plotësojnë kriteret e mëposhtme në mënyrë strikte:

**1. Pozitat Vendimarrëse**

- Trajnerët që aktualisht mbajnë pozita vendimarrëse/administrative (Kryetar i një organizate sportive apo Sekretar), nuk kanë të drejtë të aplikojnë për këtë program. Qëllimi është të sigurohet që trajnerët e përzgjedhur të përqendrohen plotësisht në përgatitjen e sportistëve.

**2. Kualifikimet Arsimore dhe Profesionale**

- Trajnerët duhet të kenë përfunduar të paktën nivelin e arsimit të mesëm. Përparësi do të kenë ata që posedojnë kualifikime të avancuara ose çertifikime të specializuara në fushën e sportit.

### 3. Eksperienca e Punës

- Duhet të kenë një minimum prej tre (3) vite përvojë në një disiplinë sportive.

### 4. Pajisja me Njohuri Teknologjike

- Njohuritë bazike për përdorimin e teknologjisë dhe mjeteve të avancuara për analizën e performancës sportive janë të nevojshme.

### 5. Përkushtimi për Etikën dhe Integritetin në Sport

- Trajnerët duhet të kenë një histori të pastër në lidhje me etikën dhe integritetin në sport dhe të jenë të angazhuar për të promovuar standarde të larta etike në sport.

Pas përfundimit të programit, kandidati/ja do të aftësohet të kryejë detyrat e punës së “Trajnerit Sportiv” si:

1. Përgatitja e procesit stërvitor/trajnuës;
2. Realizimi i procesit stërvitor/trajnuës;
3. Analizon dhe vlerëson procesin stërvitor/trajnuës;
4. Realizon punën specifike në sallën e sportit;
5. Realizon punë specifike në terrenin e hapur sportiv;
6. Realizon punën specifike me persona me aftësi të veçanta;
7. Realizon punën specifike me të gjitha grupmoshat e gjinive të ndryshme.

“Trajneri Sportiv” i gëzon këto kompetenca, për kryerjen e detyrave profesionale në sport:

1. Ofron format metodologjike dhe organizative të punës në sportin përkatës;
2. Ofron metodologjinë e mësimdhënies në sportin përkatës;
3. Bën analizën bazë të procesit stërvitor në sportin përkatës;
4. Bën analizën bazë të teknikës në sportin përkatës;
5. Bën analizën bazë të taktikës në sportin përkatës;
6. Përshkruan funksionet elementare dhe funksionimin e sistemeve lokomotore, kardiovaskulare dhe të frymëmarrjes së trupit të njeriut;
7. Përshkruan proceset fiziologjike në trupin e njeriut, me theks të veçantë në ndikimet e mundshme në të gjatë aktivitetit kineziologjik;
8. Përshkruan mekanizmat e lëndimeve në sport dhe miraton procedura për parandalimin e tyre;
9. Identifikon dhe përshkruan proceset psikologjike që ndodhin në bazë të formave të ndryshme të sjelljes dhe identifikon nevojat dhe rregullat themelore për komunikim të suksesshëm në trajnim;
10. Përdorë konceptet bazë të statistikës dhe informatikës dhe të kuptoj nevojat e përpunimit të dhënave të mbledhura;
11. Zbaton aspektet e sigurisë në punë gjatë zbatimit të procesit të mësimdhënies dhe punës në sportin përkatës;
12. Zotëron njohuri mbi rëndësinë biomekanike të ekzekutimit të lëvizjeve trupore.
13. Zoton njohuri mbi rëndësinë dhe menaxhimin nbi organizata sportive (klub, shoqatë, federatë sportive);

### Procesi i Aplikimit

Kandidtët e interesuar duhet të dorëzojnë aplikimin e tyre përmes formularit të aplikimit të disponueshëm në faqen zyrtare të KOK. Aplikimet duhet të përfshijnë:

- Kopjet e licencave dhe certifikatave të kualifikimeve – vërtetim nga organizata sportive;
- Diploma e përfundimit të shkollës së mesme dhe dëftesa e maturës (origjinale ose kopje e vërtetuar tek noteri);
- Certifikata e lindjes;
- Një fotografi me dimension 4x5;
- Raport mjekësor;

Kjo thirrje publike do të jetë e hapur nga data 18 qershor 2024, respektivisht afati për aplikim është deri më 1 gusht 2024;

Komiteti Olimpik i Kosovës do të shpall listën e kandidatëve të përzgjedhur shtatë (7) ditë pas përfundimit të afatit për aplikim.

Kandidatët të cilët kanë aplikuar në këtë thirrje kanë mundësi që të ankohet brenda afatit prej 10 ditëve që nga marrja e përgjigjes nga KOK.

Aplikimi bëhet përmes emailit: [diellza.kelmendi@noc-kos.academy](mailto:diellza.kelmendi@noc-kos.academy) (koordinatore për cilësi në programin “Trajneri Sportiv”) si dhe fizikisht pranë zyreve të KOK, duke dorëzuar formularin së bashku me dosjen përkatëse siç përcaktohet në këtë thirrje.

### **Shtojca 1** **Informata të përgjithshme**

Bashkangjitur me këtë thirrje janë edhe detajet e tjera të programit përfshirë objektivat, aftësimin e kandidatit pas përfundimit të programit, kapacitet tona (infrastruktura, mjetet, burimet njerëzore), struktura e stafit akademik, sigurimi i cilësisë së programit, kriteret shtesë për pranim, lëndët dhe orët e ligjërimit, programi i studimit, 60 kredi ECVET, modulet, planet mësimore, provimet, notat, sanksionet në raste të shkeljeve eventuale nga studentët e deri tek mënyra e certifikimit.

**Vëmendje:** Programi “Trajneri Sportiv” është pa pagesë, respektivisht shpenzimet mbulohen nga Komiteti Olimpik i Kosovës.

**Pas përfundimit të programit kandidatët/studentët do të marrin “Çertifikatë Kombëtare Profesionale”.**